

(Маскавдан хат)

Бугунги Маскав ингичка санъати юксаклиги жихатидан гарб пойтахтларининг хаммасидан олдинда туради. Унинг «Санъат театри» (Художественный театр) хозиргача на янги ва на эски дунёдан ўз жуфтини топа олгони йўк. Ингичка санъатнинг юксалишини мақсад қилиб олиб шу йўлда инкилобдан бурун хам холис ва фидокорона чолишкон у табаррук муассаса бугун ўзига қарашли бир нечта шўъбалари билан бирга юксалишда давом қиладир. «Санъат театри» кўб тўғриларда фақат Русиядаги театрларгагина эмас, гарбдаги ингичка санъат муассасаларига хам анча таъсир қилгондир. У ингичка санъатда туткан йўли эътибори билан хали хозирга (қадар — Д. К.) ёлгуз саналиб келган эски муассасалардандир. Ана ўша театрнинг актёрларидан бир кучли санъаткор — Всеволод Мейерхўлд деган киши инкилобдан сўнг янги бир театр таъсис қилди. Ўзининг исми билан «Мейерхўлд театри» деб юргизилган бу янги муассаса хам санъатда туткан йўли эътибори билан яна жуфтсиз ва ёлгуз саналиб келадир. Бу—чинакам инкилоб театри, унинг ҳар нарсаси дегундек янги. Шу билан бирга у янгиликлар хам муқаррар ўрнашмагон — «вақтли» иарсалар. Шу учун бу муассасани уқтиргон вақтда «исташ театри», деб қўядирлар, бу тўғри уқдириш: ҳақиқатан «Мейерхўлд театри» ҳар кунга, талабга қараб янги йўл актарадир. Маскав хозир ингичка санъатда янги-янги йўллар актаргучи театрлар билан тўлғудир. У йиллар ва жараёнлар тўғрисида кейинча тўларок бир нарса ёзишқа ваъда бериб мақсадга ўтайлик.

Бугунги Маскавнинг санъат жараёнларини текширмак ва ўрганмак учун дуёнинг ҳар томонидан жуда кўб санъаткорлар келадирлар. Гарбдан ва Мухит денгизининг нариги қиргогидан келганлар тўғрисида бир нарса ёзиш эмас бир нарса ўйлаш хам қийин: улар шу қадар кўб... Қизил чегара ичидаги турлук-туман миллий шўро жумхуриятларидан келганларнинг, албатта ҳадди-ҳисоби йўк. Бизнинг Ўзбекистон маориф камисарлиги хам бу ерда алоҳида бир «санъат-драма студияси» очиб 20 қадар йигит ва қизчаларимизни келгуси саҳнамизга тайёрлаб ётадир. Мундан бошқа қинў курсида ва мусиқи мактабларида ўқугучи йигитларимиз бор. Ўзимизнинг истудиямиз ва умуман бугунги санъат билимларини ўрганишимиз тўғрисида алоҳида гаплашишга тўғри келадир, муни келгуси сафарларга қолдирайлик. Маскавнинг бугунги ингичка санъати билан танишмак ва ундаги турлук-туман янги жараёнларни ўрганмак учун узок-яқиндан келганлар орасида Туркиядан хам икки санъаткори бор: бири—қинў ва театр режиссёр (муалим) ларидан Эртўгрул Мухсинбек, яна бири — қинў ва театр актриса (хотин тамсилчи)ларидан Найира Найир хонимдир. «Маориф ва ўқитгуччи» мажмуасининг ёзгучиларидан бири сифати билан уларни зиёрат қилдим, улар билан қилган мусохабамнинг натижасини қисқагина арз қиламен.

Эртўгрул Мухсинбек 1892 нчи йилда Истанбулда тугилгон, Туркиянинг ўзида ўрта даражада таҳсил қўргандан кейин Парижга кетиб, у ерда Франциянинг ва хатто дунёнинг улуг театр олимларидан бўлгон машҳур режиссёр Антуан қўл остида 3 йил ишлаган. Ундан кейин ўша домласи Антуан билан бирга Истанбулга келиб «Дорилсадойеъ (олий санъат мактаби) ни ташкил қилгон. Бу «Дорилсадойеъ» деган муассаса Туркия пойтахтининг театр-санъат ҳаётида кўб муҳим ўрун олгон муассасадар.

Туркларнинг ўзларидан (айникса хотин-кизлардан) чинакам санъаткорлар кўпая бошлагон давр шу «Дорилбадойеъ» давридир. Туркияда сўнг 10 йил орасида босилган театр китобларидан кўпини кўрсангиз, биринчи ё иккинчи бетига «бу асар Усмонли дорилбадойеъ санъаткорлари томонидан биринчи мартаба тамсил килингондир», деган жумла ёзилгон бўладир.

Мухсинбек Истанбулда шу йўл билан 3 йил ишлаганидан кейин яна Оврупога кетадир. Бу сафар Германиянинг энг машхур санъат уйларидан «Лессинг» кинў театрида 5 йил режиссёрлик (муаллимлик) киладир. Мундан бир-бир ярим йил бурун Ўзбекистоннинг кўб шаҳарларида кўюлуб ўтган машхур «Милйўнчи хотин» картинаси ўша муассасанинг хосили бўлуб, Мухсинбекнинг режиссёрлиги билан ўйналгондир. Ундан бошқа Мухсинбекнинг режиссёрлиги билан чиккан герман картиналаридан яна биттаси у «Кора лола» дегани — бизнинг шўра жумхуриятларида кўюлуб ўтган. Унинг режиссурлиги билан Германияда тайёрланган картиналарининг хаммаси 15—16 га етадир. Германиядан сўнг Мухсинбек Асвач мамлакатига борадир ва у ерда бироз қолиб кинўчиликни текширадир.

Ундан кейин Мухсинбекнинг энг кўб ишлаган ери яна Туркия — Истанбулдир. Бу сафар Истанбулда тўрт йил қолиб Туркия кинўчилигига пойдевор курадир. Истанбулда хаммаси бўлуб 10 тача турк картиналари хозирлагон. У картиналардан бири машхур турк адибаси Холида Адиб хонимнинг «Оташдан гумлак» (Оловдан кўйлак) деган хикоясидир. Уда Холида Адиб . Туркиянинг сўнгги истиклол курашлари даврини тасвир киладир. Асарнинг бош қахрамонларидан бири бўлгон Эхсонбек — Мустафо Камолнинг кинояли нусхасидир: ана ўша Эхсонбек рўлини Мухсинбек ўйнайдир. У 10 картинанинг яна бири машхур турк насрчиси Яъқуб Кадрибекнинг «Нурбобо» деган асаридир. Мухсинбек театр-сахна учун ёзгон ва ўзгартирган бир неча асар бор. Бизнинг Бухоро хаётидан олиниб ёзилгон бир асари хозир Истанбулда босилиб ётар экан.

Мухсинбек кўл остида ишлаган турк сахнаси бизнинг ўрус адиблари (кўпрок классиклари) томонидан ёзилгон шох асарларни хам кўб кўрган. Шу учун бўлса керак, Истанбулнинг санъатга «ўюн ва кўнгил очиш» дсб карайтургон табакалари (обивател халк) унинг теграстига якинлашмагон. Унинг сахнаси чинакам санъат деганлар ва ингичкаликни севганларнинг жойи бўлуб колгон.

Мухсинбек шўролар иттифокининг чинакам маориф ва санъат бошлиги — рахбари ўрток Луначарский томонидан Маскавга чакиртирилгон. Бу ерда ингичка санъатнинг холини ва унга берилган фавкулудда ахамиятни кўрганидан кейин хам йшламак ва хам ўрганмак максоди билан Маскавда колди. Хозир бир томондан «Давлат кинў» нинг картина фабрикасида режиссёрлик килмокда иккинчи томондан, бу ердаги инкилоб йўлидаги театрларни текширмакдадир. Шу кунда, ўзининг гапига карагонда, хозирги ўрус ёзгучиларидан Третьякуфнинг «5 минут» деган (Амриколилар турмушидан олиниб ёзилгон) асарига кинўда режиссёрлик килмокдалар. Мундан бошқа ўрток Луначарскийнинг бир асари ва Франция адибларидан Александр Душеннинг «Тамилла» деган асари устида хам ишлаб турадир.

Мухсинбек Маскавга келишидан жуда хурсанд бўлгон, «санъат Германияда ўлган,

Франсияда харакатсиз, бугунги Русияники эса ер юзида биринчи бўлуб турадир» дейдир. Бу фикрини бу ердаги «Ўзбек драм истудияси» талаблари билан килгон мусобахасида ҳам айтиб ўтди. Унга энг ёккан театр — Мейерхўлд театридир, у театр тўгрисида жуда кизикиб гапирадир, уни «инкилоб ва истиклол театри, эртанинг санъати», дейдир. Бизнинг драм истудия талабаларимизни ҳам тамоман ўша театрга бориб ишлашга даъват килди. Шўролар мамлакатидаги кинўчилик ишларига ҳам катта умидлар билан карайдир ва «Яхши, — астойдил ишланса 2—3 йил орасида кинўчиликда ҳам шўролар мамлакати биринчи бўлуб кетадир», дейдир.

Бахор вақтларида бизнинг Самаркандимизни ҳам зиёрат килмок ният бор. Биз ҳам Ўзбекистон исмидан даъват килгон бўлдик...

Ўзининг асл исми Мунира Айюб бўлгон санъаткор турк кизи сахнада Найира Найир номи билан танилгандир. Истанбулда «Дорилмуаллимот» ни битирганидан кейин икки йил кадар яна ўша Истанбулдаги «Амрика кўллежи»да ўкугон.

1922 нчи йилда биринчи маротаба «Истанбулда кинў сахнасига чикиб, Холида адибнинг «Оташдан гумлак» деган асарида биринчи рўллардан онаўли киз Казбоннинг рўлини ўйнайдир (кинўда). Ундан кейин франсузчадан ўзгартирилган «Киз куласи» деган асарда турк кизи Зайнаб рўлини ўйнайдир (яна кинўда). Ундан сўнг 1923 нчи йилда биринчи маротаба театр сахнасига чикиб улуг Шекспирнинг «Отеллў»сида Амелия рўлини ўйнайдир. Асл турк хотинларидан биринчи маротаба саҳиага чиккон ҳам шу Мунира хонимдир. Ундан бурун турк сахнасидаги хотин-киз рўлларини арман, рум ва «кибти» кизлари ўйнаб келганлар.

Яқинда Мухсинбекнинг даъвати билан Маскавга келиб бу ердаги театр жараёнларини ўрганиш ишига киришди. Хозир машхур ўрус санъаткорларидан Вахтангўф номига очилгон санъат мактабида ва ҳам Мейерхўлд театрида ишлаб турадир.

Бизнинг ўзбек хотин-кизлари билан танишмак ва уларнинг хаётларини кўруб-билмак орзуси олдинги сафда тургон бу шарк кизида албатта бор. Локин мунинг калбидаги орзуларни бизнинг хотин-кизларимиз ҳам саклагон бўлсалар эди...

Кани энди!

---

Маскавда икки турк санъаткори — «Маориф ва ўқитгувчи» журналининг 1926 йил 2-сонида босилган.

«Санъат театри» («Художественный театр») — 1898 йилда К. С.Станиславский ва В. И. Немировичданченко томонидан Москва Бадиий театри ташкил килинган. Хозирги МХАТ.

Всеволод Меерхольд — Меерхольд В. Э. (1874—1940), рус режиссёри, актёр ва театр арбоби.

«Меерхольд театри» — Москвада ишлаган рус театри (1920—1938), Меерхольд бошчилик килган бу театр 1920—1921 йилларда 1-РСФСР театри, 1920 йилда Актёр театри, шу йилнинг охиридан ГИТИС театри, 1923 йилдан Меерхольд номли театр деб аталган.

«Исташ театри» — экспериментальний театр. Меерхольд ва унинг театри янги шакллар ва йўллар излаши билан машхур бўлган.

«Санъат драма студияси» — ўзбек театрини кадрлар билан таъминлаш мақсадида 1924 йилда Москвадаги Маориф уйи қошида Ўзбек давлат драма студияси очилиб, Ўзбекистондан бир катор ёшлар ўқишга юборилган. Бу студия 1931 йилга қадар ишлаган.

Антуан — Андре Антуан (1858—1943) француз режиссёри, актёри, театри назариётчиси. Театр санъати ривожига катта таъсир ўтказган ижодкор.

«Дорилбадое» — 1914 йилда Истамбул волийлиги томонидан ташкил қилинган консерватория. Унинг қошида театр студия мактаби ҳам очилган. Бу ердан Афифа, Бахира, Бейза, Рефика каби катор актрисалар етишиб чиққан.

Асвеч (Исвеч) — фикримизча, бу ўринда Швейцария назарда тутилмоқда. Чўлпоннинг «Дўхтур Мухаммадиёр» хикоясида бу мамлакат номи «Исвейчара» шаклида берилган эди.

Холида Адиб хоним — Холида Адиб Адивар (1883—1964), усмонли турк адибаси, катор романлар, пьесалар, хикоялар, адабиётшуносликка оид ишлар муаллифи. Маколада тилга олинган «Оловли кўйлак» романи 1922 йилда ёзилган.

Мустафо Камол Отатурк (1881—1938)—Туркиядаги миллий озодлик курашининг раҳнамоси (1918—1923), Туркия республикасининг биринчи президенти (1923—1938).

Яъқуб Кадрибек — Якуб Кадри Кора усмон ўгли (1889—1975) турк ёзувчиси ва сиёсий арбоби, катор романлар, хикоялар, насрий шеърлар, танкидий мақолалар муаллифи,

Луначарски — Луначарский А. В. (1875—1933); 1917 йилдан то 1929 йилгача Маорил Халк комиссари вазифасини бажарган. Чўлпоннинг у хақида «Шўролар Иттифоқининг чинакам маориф ва санъат бошлиғи» дегани шунинг учунки, санъат ишлари у вақтда шу комиссарлик ихтиёрида эди.

Третьякўф — Третьяков С. М: (1892—1939) рус ёзувчиси: Ташвикий характердаги шеърлар, катор очерклар, пьесалар муаллифи. ЛЕФ назариётчиларидан бири.

«Франсузчадан ўзгартилган «Киз куласи» деган асар ...» — бу ўринда қайси асар иазарда тутилганини аниқлаб бўлмади.

Шекспир — Уильям Шекспир (1564—1616), инглиз драматурги ва шоири. Ўзбек сахнасида унинг дурдона асарлари «Отелло», «Гамлет», «Ромео ва Жульетта»,

«Макбет», «Кирол Лир» каби катор асарлари сахналаштирилган.